



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Archiepiscopis, Episcopis, Abbatibus, Prioribus, & universis Ecclesiarum  
Praelatis in Sicilia constitutis.

**urn:nbn:de:hbz:466:1-20006**

memoriam in majoribus Ecclesiis transcripta servetur.

*In eundem modum Archiepiscopis, Episcopis, Abbatibus, Prioribus, & universo Clero in Apulia constituto.*

*ARCHIEPISCOPI, EPISCOPI, Abbatibus, Prioribus, & universis Ecclesiarum Prelatis in Sicilia constitutis.*

*Epist. 43.  
Vt Legato apostolico obtemperent, & piam illius voluntatem adjuvent.*

**P**Ersecutionis olim olla succensa, dum flantis rabies aquilonis Calabros montes novo deiceret terrae motu, & per plana jacentis Apuliae pulverem in transeuntium & habitantium oculos suo turbine fuscitaret, dum etiam Taurominiana Charybdis sanguinem, quem tempore pacato sitiverat, evomeret cedibus satiata, usque adeo fuit iter maris & terrae praeclsum, ut interjacensis impetus tempestatis mutuum matris ad filios & filiorum ad matrem impediret effectum, & naturalis effectum interciperet caritatis. Nunc autem cum eo faciente nobiscum signum in bonum cui venti & mare obediunt, nascentis austri clementia cadentis fugaverit impetum aquilonis, & praeteritae turbationis caliginem aeris per Dei gratiam jam ex maiori parte placati claritas serenaverit, ita quod regnum Siciliae reparatum in statum felicitatis antiquae ad devotionem Ecclesia plene redierit, a qua visum fuerat persecutionis tempore recessisse, beneficium ei volumus gratae visitationis impendere, ac in dilectione ipsius praedecefforum nostrorum vestigis adhaerere. Cum autem ipsum inter universas orbis provincias tanquam Ecclesia patrimonium specialiter diligamus, volentes mentis effectum, quem circa ipsum gerimus, ostendere pleniis in persona Legati, eum illuc de fratribus nostrorum consilio duximus destinandum quem inter ceteros fratres nostros speciali caritate diligimus, & benevolentia singulare ejus exigentibus meritis amplexamur. Sancte cum adhuc in regno ipso remanserint vestigia quedam dissensionis antiquae, talem & tantam personam hujus legationis officio duximus deputandam, quae auctoritate praemineat, polleat honestate, & in opere & sermone sit potens, & ex eo quod gratiam nostram pleniis obtinet, & nostram novit melius voluntatem, eos qui pacem regni turbare forsitan moliuntur, liberius com-

primere possit, & universum regnum in carissimam in Christo filiam nostram Constantiam Imperatricis Reginam ac filij eius Friderici Siciliae Regis illustris fidelitate pariter & obsequio stabilire, contumaciam deprimens superborum, & colla sublimium commissa sibi potestate conculcans. Venerabilem igitur fratrem nostrum Octavianum Hostien. Episcopum, apost. sedis Legatum, virum providum & honestum, qui ob gratiam familiaritatis & dilectionis antiquae ac suae dignitatis intuitu primum inter fratres nostros apud nos locum meruit obtinere, in regnum Siciliae duximus destinandum: qui juxta verbum propheticum dissipet & evellat quae noverit evellenda, & adficet & plantet quae cognoverit esse plantanda, vos etiam de benevolentia quam circa predictam Reginam & filium ejus Regem illustrem gerimus, efficiat certiores. Ideoque universitatibus vestras per apost. scripta mandamus & districte praecipimus quatenus predictum Legatum sicut personam nostram, immo nos ipsos in eo recipientes humiliter & devore, & sicut condeceret vos & ipsum, honorificè pertractantes, quae inter vos corrigenda duxerit, seu etiam statuenda, recipiatis humiliter, & inviolabiliter observetis: ita quod nos, qui honorem ejus proprium reputamus, vobis propter eum respondere gratius quasi ex debito teneamur. Scituri quod sententiam quam in contumaces tulerit, ratam habebimus, & faciemus auctore Domino inviolabiliter observari.

*In eundem modum Archiepiscopis, Episcopis, Abbatibus, Prioribus, & universis Ecclesiarum Prelatis per regnum Siciliae circa Farum constitutis: ita quod ubi ponitur in regnum Siciliae duximus destinandum, ponatur Legatum in Siciliam & totum regnum duximus destinandum.*

*A.N. NEAPOLITANO  
Archiepiscopo.*

**C**um secundum doctrinam Apostoli non sit conveniens ut unus sit ebrius & alter debeat esurire, nec juxta instituta canonica uni persona tantum debeat redditibus ecclesiasticis assignari unde scrupulofo corde alij moveantur, qui ad dispositionem Pontificis sunt pro personarum meritis dividendi, non sufficimus admirari quod, sicut nostris

*Epist. 44.  
De plenaria  
benevolentia  
restringenda.  
Cap. Cum lo-  
cundim doctri-  
nam. Di Pra-  
bendis in Terra  
Collat.*